

段王學五種

丙子五月

沅舛



段玉裁先生年譜

安陽謝國楨題



中 村 二 山 口 氏 氏 氏
來 來 來 來 來 來 來 來 來 來

段玉裁先生年譜

息縣 劉盼遂 學

先生姓段氏名玉裁字若膺號茂堂早年曾字喬林見戴東原與先生書墨蹟又字淳甫見雪橋詩話餘集卷五引王鎮之存沒口號又號硯北居士長塘湖居士僑吳老人散見文集每篇末偶誌江蘇鎮江府金壇縣人也先世有名百三者自河南隨宋南渡卜居金壇縣至十五世諱武者爲先生曾祖邑庠生祖諱文邑庠生食貧力學善誨後進不倦著有書法心得錄生世續字得莘先生考也邑廩生事父母至孝三十二歲喪親終其身每食必泣以赤貧好學厲行授徒嚴課程每誦先人詩句云不種硯田無樂事不撐鐵骨莫支貧以是律身教子務讀經書勿溺時藝嘉慶六年以玄孫義正生清仁宗賜以七葉衍祥扁額並拜白金黃緞之賜卒於嘉慶八年年九十四配

史氏同邑庠生史銘之女生子四人先生其長也

參考說文解字第

十五下注及先妣梳几銘序

清世宗雍正十三年乙卯

西曆一七三五

先生一歲

某月某日先生生時先生父年二十六母年二十三

初娠先生時夢生四羊覺而懼以告得莘公公曰羊者祥也其將生

四男乎後果驗

先妣几梳銘序

清高宗乾隆元年丙辰

西曆一七三六

先生二歲

乾隆二年丁巳

西曆一七三七

先生三歲

是年先生二弟玉成生出繼四叔祖父諱郁文之後玉成字器之以

乾隆丙午舉人官安徽桐城縣教諭

光緒金壇縣志

乾隆三年戊午

西曆一七三八

先生四歲

乾隆四年己未

西曆一七三九

先生五歲

乾隆五年庚申

西曆一七四〇

先生六歲

今年從祖父發蒙

博陵尹師所賜小學跋

是年先生女弟愛生

先妣梳几銘序

乾隆六年辛酉

西曆一七四一

先生七歲

從祖父讀論語至南面章九月二十日祖父卒二十一日祖母卒二
喪並舉得莘公赤手支拄憊甚史孺人亦憔悴甚

先妣梳几銘序又

尹師所賜小學恭跋

經均樓集卷九先妣梳几銘序云吾家故貧甚吾祖父吾父皆以授
徒爲生每歲計所入脩脯數十兩以爲出家徒壁立自吾之有知也
見吾父館于鎮江揚州之洲間一年二三歸吾祖父祖母皆七旬吾
母晨昏侍奉米鹽炊煮春磨漱浣縫紉以及馬子溺器無奴婢可使
無不躬親之乳哺管領諸兒女終日無一息可弛衣止於粗布食止
於朝暮用大麥糝糊午間則每二日米粥一日米飯吾祖父祖母則
逐日米飯略具蔬菜苦辛婉轉得吾祖父祖母之歡心

下略即此則

先生小年生活之艱窘可見一班矣

先生幼時穎異有兼人之資 王念孫撰先生墓志銘 讀書日盡數千

言 金壇縣志儒林傳蘇州府志

乾隆七年壬戌 西曆一七四二 先生八歲

從四叔祖父季遜公 名郁文 讀書先生父命讀胡氏安國春秋傳 博

陵尹師所賜朱子小學跋又春秋左氏古經題辭

乾隆八年癸亥 西曆一七四三 先生九歲

今年從父得莘公讀書 尹師所賜小學跋

姚鼐惜抱軒文後集卷七封文林郎巫山縣知縣金壇段君墓志銘
云君終身以訓生徒爲事其訓必使以讀經爲根本與講授熟復之
唯恐有弗達也朝夕課之多方以誘之唯恐已力之餘而弗致也其
後學徒多成立而君子玉裁遂以經學名天下者君之教也

三弟玉章生玉章字琢其金壇歲貢生 金壇縣志

乾隆九年甲子

西曆一七四四

先生十歲

今年從叔祖父可南公

名雍文讀書

乾隆十年乙丑

西曆一七四五

先生十一歲

今年從父得莘公讀書于毘陵連江橋館舍父命讀左氏傳專讀傳而已

春秋左氏古經題辭

乾隆十一年丙寅

西曆一七四六

先生十二歲

仍從父讀書于毘陵連江橋館舍

尹師所賜小學跋

乾隆十二年丁卯

西曆一七四七

先生十三歲

仍在毘陵連江橋讀書父得莘公授以朱子小學

博陵尹師所賜小

學跋

補邑庠生應試時能背誦小學四子書詩書易周禮禮記春秋左氏傳及胡傳江蘇學使者博野尹元孚

會一

謂曰孺子可教賜飯寵異

之而許入泮並謂先生父曰此兒端重必教之成大器勿自菲薄也

遂授以無錫高氏所注朱子小學一部二冊先生奉書歸父母皆甚

喜線裝皮閣惟謹

同上

尹會一健餘尺牘答圖織造書云陸先生有女擇配以賢不以勢

中

略

僕當留意成其美善

中略

頃試金壇有段玉裁者年方十二

係廩生段世續之子背誦九經甚熟氣質亦端溫僕奇其才拔取入泮尙未能定其志氣且未知其已未曾聘容再訪之

集中寄戴東原

震

書云玉裁自幼學爲詩即好聲音文字之學蓋當

在此數年矣

乾隆十三年戊辰

西曆一七四八

先生十四歲

仍從父讀書連江橋館舍

姚撰得莘公墓志云尹學使嘗召諸生與言志君曰生無能唯願不忘父母而已

四弟玉立生玉立字清標又字鶴台乾隆丙午科副榜

光緒金壇縣

志包世臣藝舟雙楫卷五有與段鶴臺明經論書次東坡韻詩自注
戊寅年又國朝書品後增能品下三人有段玉立小真書及草書知
鶴臺嫻于書法矣

乾隆十四年己巳 西曆一七四九 先生十五歲

乾隆十五年庚午 西曆一七五〇 先生十六歲

乾隆十六年辛未 西曆一七五一 先生十七歲

夏五月母史孺人患病延醫者虞姓喜姓用藥殊而皆不對證閏五
月初一日延畫師遠觀病容爲史孺人畫像不得其似次日五更時
遂逝權殯未葬迨先生官蜀時父得莘公遂葬之于邑西大壩頭之
新阡即史孺人舊時寢室也 先妣梳儿銘序

乾隆十七年壬申 西曆一七五二 先生十八歲

乾隆十八年癸酉 西曆一七五三 先生十九歲

乾隆十九年甲戌 西曆一七五四 先生二十歲

是年從蔡一帆

泳遊學得詩賦時義之說

經韻樓集九蔡一帆先生

傳又從學音律始知古均大略

寄戴東原先生書

乾隆二十年乙亥

西曆一七五五

先生二十一歲

今年仍從蔡一帆遊寄戴東原先生書云甲戌乙亥之間從同邑蔡丈一帆遊

又按文集

九懷人館詞序云予少時慕爲詞詞不逮自珍之工先君子誨之曰是有害於治經史之性情爲之愈工去道且愈遠予謹受

教輟弗爲盼遂按此事固應在從學蔡一帆之後蔡精于詞律者也

乾隆二十一年丙子

西曆一七五六

先生二十二歲

乾隆二十二年丁丑

西曆一七五七

先生二十三歲

爲附生有時名初治詞術受知于沈尙書德潛于時李侍郎因培督

學江蘇尤加激賞

王撰墓志銘

乾隆二十三年戊寅

西曆一七五八

先生二十四歲

是年先生女弟愛未字而天年十九歲 先妣梳儿銘序

日本人山本悌二郎紀成虎合著宋元明清書畫名賢詳傳卷十四
有段玉裁傳云與弟玉成肄業於揚州之安定書院當時同學皆以
二段目之又友人武陟李濂云曾見段先生畫山水一幅于都門琉
璃廠今不知屬誰氏矣柳詒徵江蘇書院志初稿引楊州畫舫錄云
安定梅花兩書院四方來肄業甚多如梁國治任大椿段玉裁李惇
王念孫宋綿初汪中劉台拱洪亮吉孫星衍顧九苞等數十人

乾隆二十四年己卯 西曆一七五九 先生二十五歲

乾隆二十五年庚辰 西曆一七六〇 先生二十六歲

秋中式江蘇庚辰恩科鄉試考官爲嘉興刑部侍郎錢東麓 汝誠同

考官爲青田韓介屏 錫祚也 戴東原先生年譜 按韓氏滑稽集韓

以庚辰冬知金匱縣

入都館坐師錢東麓寓宅得顧氏音學五書讀之驚其考據之博衍

始有意於音均之學 六書音均表卷首

往見尹元孚 會一之子 尹亭山方伯 嘉銓 方伯勤勤懇懇勗以力學

跋尹師所賜朱子小學後

乾隆二十六年辛巳 西曆一七六一 先生二十七歲

春在京會試不第以舉人教習景山萬善殿官學

乾隆二十七年壬午 西曆一七六二 先生二十八歲

乾隆二十八年癸未 西曆一七六三 先生二十九歲

春戴東原在都會試不第後居新安會館先生與當時好學之士胡士震汪元亮輩皆往從講學夏東原南歸先生以札問安遂自稱弟

子 戴氏年譜

假觀東原所爲江慎修行略知有古均標準一書與顧氏少異然實未能深知也 六書音均表卷首

東原大制作若原善上中下三篇若尙書古文今文考若春秋改元

即位考三篇先生皆於是年抄謄之又抄戴氏迎日推策記及釋天

原象 戴氏年譜

書家有撥鐙法二王以後至唐宋元明諸大家口口相傳如是董其

昌以授王鴻緒鴻緒以授張照時亳州梁聞山獻得其法先生今年

識聞山於都門虛心問以筆法梁具告以撥鐙法後先生特作記筆

法一篇載集中 經均樓集十

乾隆二十九年甲申 西曆一七六四 先生三十歲

乾隆三十年乙酉 西曆一七六五 先生三十一歲

東原定水經一卷先生從之借抄並自記一篇擬他日鑄贈同志

冬日天甚寒先生乘驢車往內城訪欽天監正何國宗何昔年得書

法于張照梁巘以告先生者也至其家求見何遣一孫相見問何事

欲見大父先生曰以張文敏筆法惟令祖見而知之外間得於傳聞

者慮其不真故求面謁聞教其孫以大父老病不能對客請以所聞

入問出而告先生曰大父云君已得之矣一如梁巘所聞之語并贈

以所臨米黃二帖

經均樓集十記筆法

乾隆三十一年丙戌

西曆一七六六

先生三十二歲

致東原書借校定水經注及夏小正文云云東原即於箋尾作覆
云弟校本數日前爲姚六哥鼎取去餘俱奉上尊謙不敢當并繳東
原又有來札云水經注塵缺第二十六卷今將吳刻一本併原書一
本作款式又唐宋文一冊附上

春在都會試東原亦入都面辭弟子之稱復作札辭之戴氏年譜截
錄其中數語近年戴氏手蹟復出自無錫安氏即經韻樓集七所跋
之東原先生札冊也今亟錄其全文云

來水經注九本已收此寔舊本弟處校本係江西劉內翰暨汪明兄
分借去未還其原善原象等亦在汪公處俱俟改日呈上賤體已復
舊再者上年承賜札弟收藏俟繳致離舍時匆匆檢尋不出在吾兄

實出好學之盛心弟亦謙退不敢也古人所謂友原有相師之義我輩但還古之友道可耳來札奉繳不宣喬林大哥震頓首另有一行爲內城上未來邀六字段氏于札角注丙戌二字

按經韵樓集跋東原先生札冊謂冊中猶存三札繳還稱謂則彼二札當亦今明年事也

東原語先生曰近者做得講理學一書謂孟子字義疏證也先生當時未遽請讀

戴氏年譜

東原在蘇州時借得惠定字

棟

依宋刊七十卷本臨校之禮記注疏

及宋明道二年國語先生與程魚門

晉芳

姚姬傳

鼎

皆各臨繕一部

經均樓集卷八重刊明道二年國語序

乾隆三十二年丁亥

西曆一七六七

先生三十三歲

春景山萬善殿教習期滿住同邑于雲峻戶部家戴東原嘗過訪之

戴氏年譜

五月初出都歸後與弟玉成取毛詩細繹之知顧江二氏分韵有未盡遂逐書詩經所用字區別爲十七部成詩經均譜羣經均譜各一

帙 六書音均表卷首寄戴東原先生書

乾隆三十三年戊子 西曆一七六八 先生三十四歲

今年館句容裴氏學生名玉字蘭珍以廣韵贈先生是後往來常以此本自隨殆終其身 文集補編廣韵跋

乾隆三十四年己丑 西曆一七六九 先生三十五歲

春入都會試進謁東原于新安會館東原始許以師弟相稱朱文正公 珪嘗曰汝二人竟如古之師弟得孔門漢代之家法也 戴氏年譜

程戡園 晉芳 亟賞詩經均譜羣經均譜第恨其簡略無注釋不可讀

六書音均表卷首

夏東原往山西依布政司使朱文正公 珪偕先生往至則先生主講壽陽書院間預修壽陽縣志